

中筆談北岳謂之大茂山岳祠舊在山下祠中多唐人故
碑晉王李存勗滅燕還過定州與王處直謁岳廟是也石
晉之後稍遷近裏今其地謂之神棚新祠之北有望岳亭
新晴氣清則望見大茂山 渾源州恒山距阜平縣大茂
山三百餘里峯巒相接蓋恒山周三千里渾源南二十里
與在曲陽西北百四十里者實一山也 五岳真形圖北
嶽恒山在大同府渾源州天涯崆洞二山爲副岳神姓晨
諱粵宋封安天元聖帝明改爲北岳恒山之神主世界江
河淮海兼四足負荷之類 抱朴子凡修道之棲隱山谷
須得五岳真形圖佩之則鬼魅重虎一切妖毒皆莫能近
後魏太祖還代京次於恒嶺親登山頂撫慰新民適遇
黃門侍郎崔元伯扶老母登嶺太祖嘉之賜以牛米因詔